

# POZIV MLADIM OSOBAAMA



SOS DJEČIJA  
SELA  
BOSNA I HERCEGOVINA



Youth  
Empowerment  
Enabling  
Prospects

## ZA UČEŠĆE NA OBUCI U OKVIRU PROJEKTA SOS DJEČIJIH SELA BIH “YEEP - JAKI MLADI – NOVA PERSPEKTIVA”

Organizacija SOS Dječija sela Bosna i Hercegovina od 2016. godine uspješno doprinosi boljoj zapošljivosti mladih iz alternativne brige i osoba koje su u socijalnoj potrebi, uz podršku BMZ - Federalnog Ministarstva za ekonomsku saradnju i razvoj, Savezne Republike Njemačke i Hermann Gmeiner Fond Deutschland. Ove aktivnosti su usko povezane sa misijom naše Organizacije “Nijedno dijete ne treba odrastati samo”. Mladi koji odrastaju u alternativnoj brizi i mladi sa složenim socio-ekonomskim problemima, često nemaju odgovarajuće mogućnosti i pristup tržištu rada uslijed nedostatka vještina i kvalifikacija, te su često dugo nezaposleni i isključeni iz društva, niskog samopoštovanja, niskih društvenih kompetencija i nerazvijene mreže podrške. Istovremeno, profesionalci lokalnih institucija vlasti i organizacija trebaju dodatne vještine i metode kako bi uspješno podržali mlade ljude u njihovoj integraciji na tržište rada. Nakon uspješno provedenog projekta socijalnog uključivanja i ekonomskog osnaživanja mladih, SOS Dječija sela BiH nastavljaju djelovati na području jačanja kompetencija mladih koji su izloženi socijalnom riziku u okviru šire regionalne inicijative. U tome se oslanjamo i na lokalne organizacije kao i na donositelje odluka koji će ojačati svoje kapacitete i podići svijest u cilju što bolje integracije mladih iz alternativne brige i mladih u socijalnoj potrebi.

Ovim putem želimo pozvati mlade osobe starije od 18 godina koje aktivno traže posao da se prijave na YEEP Obuku životnih vještina i vještina zapošljivosti, koji se realizira u Sarajevu. Trening je organiziran u 2 modula koji se fokusiraju na razvoj temeljnih životnih vještina i vještina zapošljivosti. U radu će se primjenjivati The Next Economy metodologija koja će omogućiti mladim osobama da razviju svoje talente, izgrade samopouzdanje i unaprijede vještine potrebne za uspješnu integraciju na tržište rada. Prije početka treninga, trenerice će obaviti individualne razgovore sa kandidatima/kinjama i potpisati Ugovor o redovnom učešću, te izraditi **Individualni razvojni plan**, koji može sadržavati **l dodatne obuke, kurseve stranih jezika**, za svaku mladu osobu pojedinačno, kao i dodatne **stručne obuke (prekvalifikacija/dokvalifikacija)** ukoliko se procijeni da će doprinijeti zapošljivosti mlade osobe. Mladi će, pored treninga dobiti podršku kroz **individualne i grupne coaching sesije**.

**Mlade osobe zainteresirane za učešće mogu se prijaviti putem e-maila i FB profila:**

062/892-443, [tatjana.rukavina@sos-ds.ba](mailto:tatjana.rukavina@sos-ds.ba)

062/892-507, [amra.dulic@sos-ds.ba](mailto:amra.dulic@sos-ds.ba)

FB profil: Yeep Jačanje mladih

<https://www.facebook.com/obuka.zaposljavanje.7>

